

邱縣志

民國二十二年依
乾隆壬寅黃景曾
纂刊本詳校重印

濟南平民日報社印刷
逢源閣書店發行

邱縣志序

今之州邑古之侯國也一邑之政一國之政也推之天下亦猶是耳一邑之志卽一國之史則壤之肥磽丁口之息耗溝渠之通塞風俗之淳漓無一不具則志者吏治之典章也或以其具文而忽之謂非急務則其吏治可知故善爲治者必以志爲急務焉邑志之不修五十年矣邑侯魯齋黃公下車不二載而已觀成書其知所先務乎邑爲古斥邱平恩二縣地舊屬東昌府乾隆四十年升臨清爲直隸州以邑屬焉僻處二東之西陲不當舟車驛傳之衝民淳事簡爲令長者可以從容而賦繭絲號爲易治然與畿輔相錯壤地多斥鹵二潭合流過縣境而水善

邱縣志序

徙未有數十年不變者夫地相錯則小竊之潛逃未易勾稽也地斥鹵則民人與物產未易殷阜水善徙則沙潭之出沒此驅彼界易致紛爭也別利器者豈必在盤錯乎公江右名士以拔萃異等試

大廷出爲茲邑凡興利除弊知無不爲以案牘之暇取邑志正訛補缺數月而成政治文章合而爲一此固其才力之有餘不以簿書廢文墨而其舉舉廢墜亦略見一端且吏治之善更能以安靜爲理從可知矣文子有言爲魚德者非挈而入淵爲蟻賜者非負而緣木因其自然而已昔有良友善於其邑從余索書因贈以句云忙中時理橐駝傳靜裏細繹羔羊詩今當移以

贈公矣

皆

乾隆壬寅孟夏秀水盛百二字

邱縣志

序

二

二

重修邱縣志序

皇帝四十年乙未以東昌之臨清爲直隸州邱縣屬焉邱之志肇修於康熙四年乙巳繼修於雍正六年戊申計閱六十餘年而一修自戊申迄今又五十餘年矣不惟今時改屬中間田賦之升降官師之更易人物藝文之增益固已薪積而基累甚將散軼焉余承乏茲土將及一載深爲屬意適奉上憲檄催修輯乃聚邑人士共商而成之按郡邑之志昉乎前代列國之史輶軒採擇以貢天子載筆者言之不可無文而紀事必從其實虞夏之文尙矣三代以還史官不廢然至孔子時而已有及史闕文之嘆又嘗言文勝質則史史氏固少質實與矧一邑之志潤色附會尤在所必有者耶顧邱本無山川名勝往哲遺蹤卽欲傳會潤色之而無從其所紀載殆將質有其文矣且自有元復設縣治以來至明神宗時而始有志則所謂闕文者已多是於斯志也不無所憾亦誠有足取哉當今

邱縣志序

聖朝八埏萬國六合三同文教覃敷薄海內外凡詞臣之所纂輯虞夏之文不少讓焉譬猶九苞彩鳳五色文龍區區一邑之志曷能分其纖毛得其片甲以光輝簡冊又安事多傳會以爲潤色也耶於焉明其疆域晰其田賦紀其官師表著其人物藝文仍乎舊冊訛者考正之冗者刪訂之更變增益者審詳而接續之雖無山川名勝往哲遺蹤足資觀者博覽亦庶幾哉方諸列

國之史較爲質實可以附輜軒而備採擇也夫

皆

乾隆四十七年壬寅孟秋月

文林郎知山東臨清直隸州邱縣事桃江黃景曾撰

邱縣志序

二

纂修縣志姓氏

文林郎知邱縣事信豐黃景曾重修

儒學教諭 王夢蘭校閱

訓導 都彥超校閱

貢士邑人 靳淵然纂輯

刑 淵纂輯

王 璧編次

劉大倫編次

韓維杭編次

王曰欽編次

邱縣志

纂修姓氏

邑庠生 蔣文煥參訂

王大齡參訂

秦道烈參訂

劉士諤參訂

典 史 張耀龍董刊

目錄

卷之一

地理志

圖二前總圖

沿革

并表

分野

有圖

疆域

山川

風俗

古蹟

物產

卷之二

建置志

圖三

城池

有圖

公署

有圖

學校

有圖

坊表

倉廩

里甲

集市

兵衛

卷之三

邱縣志

目錄

祀典志

壇壝

廟祠

寺觀附

卷之四

田賦志

戶口

地畝

貢賦

鹽課

卷之五

職官志

縣令

丞簿尉附

學博

名宦傳

卷之六

人物志

謁拜

薦辟

選舉

貤封

孝義

鄉賢傳

節烈

卷之七

雜志 圖一

災祥

紀事

錄異

卷之八

藝文志

記序

詩歌

邱縣志 目錄

凡例

一原志有綱有目綱凡八目凡三十有六以類相從有條不紊今仍之昭法守也

一原志綱目類有弁言以明其中所載之義使閱者先曉然於其故而後徐以觀其詳今略加訂正大率由舊者多不忘本也

一原志有附以圖者蓋恐言之弗著而迺圖狀以示之意在發明事實貞諸久遠今不敢沒也

一沿革分野悉依原志爲據不更加點山川古蹟小有參考詳所略也

一原志戶口以雍正三年丁歸地畝爲定地畝分別荒熟貢賦起邱縣志凡例

存悉依全熟今戶口悉以乾隆四十六年冬季爲定地畝貢賦起存依照額徵編載時移勢殊不以此沒彼也

一官師賢明可考者識之文行政蹟歷歷可數者傳之餘祇載名不賢者亦諱之原志體例夫有所受不敢以更張蹈訕上之愆也

一原志人物甲科爲最明經次之其功德顯著論定於百年後者無論從祀與未從祀皆特爲立傳其餘凡有善有學有才雖不得其詳亦於名下分別傳註以協輿論至孝義節烈有增續者悉從士民公舉編入天地鬼神實式憑之也

一鄉紳賢否蓋棺始定現在者雖美不書直道自在後人不敢以

阿好亂舊志例也

一原志地理人物外不能以類從者則統彙一編名曰雜志今亦仍其舊示有統也

一誥命志銘奏疏去思碑德政書舊志原未收入藝文中其餘記序詩詞惟取其有關風化其人其文足以副之者甯苛勿濫恐貽後世譏笑也

邱縣志

知縣事信豐黃

重纂

地里志

沿革

分野

疆域

山川

風俗

古藏


物產

爲邑志者必先地里沿革視乎地分野應乎天而疆域於是乎
辨山川於是乎麗以至徵之爲風俗可以觀化傳之爲古蹟可
以鏡往蕃之爲物產可以利用悉依本志備載巔末庶賢良相
繼者得以覽輿地而施政教也作地里志第一

邱縣志卷二

沿革

地理總圖




邱縣志卷一

沿革

沿革

邱彈丸邑也溯禹跡平成以來更置廢興不知凡幾初爲乾侯繼爲斥邱爲平恩或統屬魏博或分隸廣洛爲志者將備紀其山川風物土田政教必托始於此亦曰志之權輿在是也志沿革爲地里之一

禹制九州周官職方氏掌天下之地辨九州之國河內曰冀州叔虞封唐爲晉在冀州域春秋魯昭二十八年公如晉次乾侯胡註晉境內邑名杜註在斥邱縣戰國屬趙而乾侯廢秦罷封建置郡縣始立斥邱屬冀州邯鄲郡爲館陶別鄉後仍置斥邱高祖以唐厲擊破項籍封斥邱侯元康三年復置平恩縣以后父許廣漢封



平恩侯地里志謂卽王莽之延平縣俱屬魏郡總隸冀州郡東漢因之曹魏省斥邱尋復置晉初以斥邱平恩屬廣平郡後廢平恩仍以斥邱屬魏郡總隸司州部晉惠帝時爲符堅所陷堅敗慕容垂據之南宋以魏郡隸冀州部而廢斥邱爲鄉北魏復置屬魏郡隸司州部東魏天平初廢斥邱並內黃置臨漳縣屬魏郡北齊移治斥漳城復以斥漳省入平恩縣隋徙治平恩川爲平恩縣屬武安郡總隸冀州部唐武德五年置洛州爲廣平郡後復省郡改州置洛州大總管府以平恩屬洛州總隸河北道五代後唐復爲斥邱縣唐末石敬瑭以其地賂契丹歷漢周同至宋復爲平恩縣屬洛州總隸河北西路靖康後屬金尋廢爲鎮隸曲周元至元十五年以平恩鎮屬博州并入唐邑縣二十六年改博州爲東昌路總管府總隸山東東西道二十七年因地去堂邑遠蒞治不便改立爲邱縣屬東昌路明初東昌更名府轄十五縣邱屬之宏治二年陞臨清爲州邱爲所轄並隸東昌府

邱縣志

卷一

沿革

三

國朝因之至乾隆四十一年五月陞臨清爲直隸州邱屬之總隸山東布政使司城北地多巖鹵故名斥邱城中十字街地勢頗高故省斥止名邱邱舊無邱雍正四年奉

旨避聖先師諱改今字

沿革表

總部

部

縣

唐虞 冀州

三代 同

春秋 晉

戰國 趙

秦 冀州

邯鄲郡 按省志屬東郡

斥邱

漢 同

魏郡 領十八縣分其二

斥邱 王莽改利邱東漢仍復舊名

平恩 元帝三年置王莽改延平東漢仍復舊名

東漢 同

魏郡 領十五縣分其二

斥邱

平恩

魏 同 同

斥邱 初省尋置

邱縣志 卷一 沿革

四

平恩

晉 司州部

廣平郡 領十五縣分其二

斥邱

平恩 後廢

魏郡 領八縣分其二

斥邱

南宋冀州部

同

斥邱 廢為鄉北魏復置

北魏司州部

同

斥邱 東魏天平初復廢

北齊

平恩 自晉廢至是復置

隋 冀州部

武安郡 領八縣分其一

平恩 徙治平恩川

唐 河北道

洛州廣平郡 領六縣分其一

同

後唐

宋 河北西路

洛州

領五縣
分其一

平恩

金

洛州

平恩

廢爲鎮隸曲周

元

山東東西道東昌路總管府

領六縣
分其一

邱

初隸堂邑至元二十七年
置縣

明

山東布政司東府

初領十五
縣分其一

邱

臨清州

領二縣分其一
並附東昌府

邱

國朝 同

東昌府

邱

臨清州

領三縣
分其一

邱

乾隆四十一年隸臨
清爲直隸州邱隸之

分野

有圖

分野者指列宿所屬之分而言也乾象運轉抄忽眇茫况邑以

百里之地又所隸村堡錯麗他屬考驗者亦烏能按圖推步一

邱縣志

卷一

沿革 分野

五

一弗爽乎茲惟參據諸家約略梗概復繪大梁西宿趙分全圖


於前使觀者由全分以考邱度而屬宿以明卽度分以爲占驗

而機祥以具則天之垂象可以審察而人之修省可以預籌矣

分野爲地里之二

西方大梁宿趙分全圖

按胃十五度八十一分昴十一度畢十六度有半分胃
 三度已上為戊降婁之次畢七度已下為申實沈之次
 自胃四度至畢六度為酉大梁之次屬冀州趙之分野
 說詳於左



周禮保章氏以天有二十八宿地有九州而所封之域皆有分星
下應乎地班固漢史取三統歷以十二次配十二分野邱古乾侯
屬晉趙總隸冀州域按清類天文志自胃四度至畢六度爲大梁
趙之分野屬冀州又按唐天文志胃昂畢大梁也自魏郡濁漳之
北得漢趙國廣平鉅鹿常山東及清河信都北據中山正定全趙
之分爲畢分循北河之表西盡塞垣皆旄頭故地爲昂分邱屬趙
與邱境接者西爲廣平南爲魏郡東四十里爲館陶東北百里爲
臨清州又百里爲武城恩縣按臨清及三縣志俱爲昂畢趙分邱
錯處其中則亦爲畢昂無疑矣然諸家統云胃昂畢趙分野未有
度數分屬之說惟魏太史令陳卓及范蠡張良諸葛亮譙周等所
邱縣志卷一

分野

六

著州郡躔次井方胃昂畢趙冀州魏郡入昂一度鉅鹿入昂三度
廣平入昂七度常山入昂五度清河入昂九度趙郡入畢八度邱
曾隸魏郡及廣平各相距不越百里卽所入度約略計之信廣平
入昂七度則邱擬當與同度卽所差者亦不過抄忽之間矣夫分
星辨度所以占候也蓋惟在天有星漢在地有山川陰陽之精本
於地而發於天政失於此變見於彼故星所次有變則分野之國
惡之明君觀之而飭身正事轉禍爲福所爲察妖祥以備修儆謹
天戒以預人事也諸如所考則昂畢之次固未析乎邱之度數而
邱之度數可比類而知雖不僅占邱之機祥而邱之機祥亦可從
中而取此邱隸冀州域昂畢分野直度之大略也